



অবিলম্বে প্রকাশের উদ্দেশ্যে: 7/18/2022

গভর্নর ক্যাথি হোকল

গভর্নর হোকল নতুন এবং বিদ্যমান গাঁজা অ্যাক্রেডিটেশন কর্মসূচিসমূহের সূচনার সমর্থনে 5 মিলিয়ন মার্কিন ডলার তহবিল ঘোষণা করলেন

SUNY এবং CUNY কমিউনিটি কলেজসমূহ নিউ ইয়র্কবাসীকে গাঁজা শিল্পে প্রশিক্ষণ ও ক্যারিয়ার গড়তে সাহায্য করবে

গভর্নর ক্যাথি হোকল আজকে ঘোষণা করলেন যে, নিউ ইয়র্ক স্টেট ইউনিভার্সিটি (State University of New York System, SUNY) এবং নিউ ইয়র্ক সিটি ইউনিভার্সিটি (City University of New York, CUNY) কমিউনিটি কলেজসমূহ স্বল্পমেয়াদী ক্রেডেনশিয়াল কর্মসূচি বা কোর্স তৈরি বা সমর্থনে 5 মিলিয়ন মার্কিন ডলার পাবে যাতে করে গাঁজা শিল্পে চাকরির পথ তৈরি করে দেওয়া যায়। তহবিলটি এমন কর্মসূচি সমর্থন করে যা ডিগ্রিহীন বা ডিগ্রির উপযোগী কোর্স এবং কর্মসূচি, স্ট্যাকবেল ক্রেডেনশিয়ালস, এবং/অথবা মাইক্রোক্রেডেনশিয়াল তৈরি বা উন্নত করবে যা দ্রুত গাঁজা খাতের স্থানীয় চাকরিদাতাদের প্রয়োজনীয় দক্ষতার চাহিদা মেটাতে, [খাতটি দশ হাজারের বেশি কর্মসংস্থানসহ আনুমানিক বহু বিলিয়ন মার্কিন ডলার মূল্যের শিল্প](#)। নির্বাচিত ক্যাম্পাসসমূহ এছাড়াও গাঁজা শিল্পের স্থানীয় চাকরিদাতাদের সাথে অংশীদারিত্ব করতে এবং পাঠ্যসূচি গঠনে তাদের মতামত গ্রহণ করতে পারবে।

"নিউ ইয়র্কের নতুন গাঁজা শিল্প আকর্ষণীয় সুযোগ তৈরি করছে, এবং আমরা নিশ্চিত করবো যে এই বিকাশমান খাতে যেই নিউ ইয়র্কবাসীরা ক্যারিয়ার গড়তে চায় তাদের যাতে সফল হওয়ার জন্য প্রয়োজনীয় মানসম্পন্ন প্রশিক্ষণ থাকে," **গভর্নর হোকল বলেন।** "বৈচিত্র্য এবং অন্তর্ভুক্তিই নিউ ইয়র্কের কর্মীবাহিনীকে প্রতিযোগিতামূলক, শক্তিশালী সম্পদে পরিণত করে, এবং সকলের যাতে গাঁজা শিল্পে অংশগ্রহণ করার সুযোগ থাকে তা নিশ্চিত করতে সাহায্য করার জন্য আমরা বাস্তব পদক্ষেপ নিতে থাকবো।"

"যখন আমরা নিউ ইয়র্ক স্টেটে আমাদের গাঁজা শিল্প চলমান করতে কাজ করছি, তখন আমাদেরকে অবশ্যই নিশ্চিত করতে হবে যাতে আমাদের একটি যথাযথভাবে প্রশিক্ষিত কর্মীবাহিনী এবং চাকরির সুযোগের একটি পথ থেকে," **লেফটেন্যান্ট গভর্নর অ্যান্টনিও ডেলগাডো বলেন।** "তহবিলটি নিশ্চিত করবে যাতে SUNY ও CUNY এমন নতুন কর্মসূচি সৃষ্টি বা বিদ্যমান কর্মসূচি উন্নত করতে পারে যা গাঁজা শিল্পে চাকরিকে লক্ষ্য করে কাজ করে।"

এই গাঁজা ক্রেডেনশিয়াল দান কর্মসূচিটি নিউ ইয়র্কবাসীকে, বিশেষ করে ঐতিহাসিকভাবে সুবিধাবঞ্চিত সম্প্রদায়সমূহকে নতুন চাকরির সুযোগ দিতে এবং একই সাথে স্থানীয় চাকরিদাতাদের একটি উচ্চ দক্ষতাসম্পন্ন, স্থানীয় উৎস থেকে প্রাপ্ত মেধার উৎস প্রদান করতে গভর্নর হোকলের অব্যাহত প্রতিশ্রুতির সাথে মানানসই। কলেজগুলি তাদের নিজেদের সম্প্রদায়ে গাঁজা ব্যবস্থাপনা অফিসের (Office of Cannabis Management) সংজ্ঞা অনুযায়ী সামাজিক সমতার প্রার্থী হিসেবে কাজ করবে।

SUNY এবং CUNY ব্যবস্থার মধ্যে প্রতিযোগিতার ভিত্তিতে অর্থ প্রদান করা হয়েছে, যেখানে একাধিক ক্যাম্পাস প্রধান দায়িত্ব পালন করা একটি কলেজের সাথে অংশীদারিত্ব করেছে।

যেই তিনটি নির্বাচিত SUNY ক্যাম্পাস প্রত্যেকে 1 মিলিয়ন মার্কিন ডলার পাবে তারা হলো:

- **স্কেনেকট্যাডি কাউন্টি কমিউনিটি কলেজ (Schenectady County Community College):** প্রধান ক্যাম্পাস হিসেবে কাজ করবে অ্যাডিরন্ড্যাক কমিউনিটি কলেজ (Adirondack Community College), কলাম্বিয়া-গ্রিন কমিউনিটি কলেজ (Columbia-Greene Community College), এবং ফুলটন-মন্টগোমারি কমিউনিটি কলেজের (Fulton-Montgomery Community College) সাথে অংশীদারিত্বে। এখানে 300-র বেশি অংশগ্রহণকারী থাকবে বলে অনুমান করা হয়েছে।
- **ন্যায়াগ্রা কাউন্টি কমিউনিটি কলেজ (Niagara County Community College):** প্রধান কলেজ হিসেবে কাজ করবে ইরি কমিউনিটি কলেজ (Erie Community College), জেনেসি কমিউনিটি কলেজ (Genesee Community College), এবং জেমসটাউন কমিউনিটি কলেজের (Jamestown Community College) সাথে অংশীদারিত্বে। এখানে 4,000-র বেশি অংশগ্রহণকারী থাকবে বলে অনুমান করা হয়েছে।
- **অরেঞ্জ কাউন্টি কমিউনিটি কলেজ (Orange County Community College):** প্রধান ক্যাম্পাস হিসেবে কাজ করবে ডাচেস কমিউনিটি কলেজ কমিউনিটি কলেজ (Dutchess Community College), রকল্যান্ড কমিউনিটি কলেজ (Rockland Community College), সালিভান কাউন্টি কমিউনিটি কলেজ (Sullivan County Community College), আলস্টার কাউন্টি কমিউনিটি কলেজ (Ulster County Community College), এবং ওয়েস্টচেস্টার কমিউনিটি কলেজের (Westchester Community College) সাথে অংশীদারিত্বে। এখানে 200-র বেশি অংশগ্রহণকারী থাকবে বলে অনুমান করা হয়েছে।

নির্বাচিত CUNY ক্যাম্পাস যেটি 2 মিলিয়ন মার্কিন ডলার পাবে তা হলো:

- **বরো অফ ম্যানহাটন কমিউনিটি কলেজ (Borough of Manhattan Community College):** এটি প্রধান ক্যাম্পাস হিসেবে কাজ করবে লেহম্যান

কলেজের (Lehman College) সাথে অংশীদারিত্বে। এখানে 360 -র বেশি অংশগ্রহণকারী থাকবে বলে অনুমান করা হয়েছে।

পাশাপাশি, নিউ ইয়র্ক স্টেট শ্রম ডিপার্টমেন্ট (New York State Department of Labor) এবং গাঁজা ব্যবস্থাপনা অফিস ব্যবসা ও চাকরিসন্ধানীদের এই অত্যাবশ্যকীয় প্রশিক্ষণ কর্মসূচির সাথে যুক্ত করে দিতে সাহায্য করার মাধ্যমে শিক্ষার সুযোগ সম্প্রসারণের প্রচেষ্টাকে সমর্থন করবে। সম্পূর্ণ হলে, ডিপার্টমেন্ট প্রার্থীদের রেজুমে সম্পূর্ণ করতে, চাকরির ইন্টারভিউয়ের জন্য প্রস্তুত করতে এবং আঞ্চলিক চাকরির দিকে পথপ্রদর্শন করে সাহায্য করবে।

প্রত্যেক অর্থপ্রাপ্ত ক্যাম্পাস বা ক্যাম্পাসের কনসোর্টিয়াম তিন বছর মেয়াদে একটি স্টার্টআপ তহবিল দ্বারা সমর্থিত হবে।

নিউ ইয়র্ক স্টেট শ্রম ডিপার্টমেন্টের কমিশনার রবার্টা রিয়ারডন বলেন, "SUNY ও CUNY ক্যাম্পাসসমূহে মানসম্পন্ন অ্যাক্রেডিটেশন কর্মসূচিতে বিনিয়োগ করার মাধ্যমে, আমরা নিউ ইয়র্কবাসীকে তাদের ক্যারিয়ার লক্ষ্য অর্জনের ক্ষমতাদান করছি। এটি গাঁজা চাকরিদাতাদের জন্য একটি বিজয় এবং নিউ ইয়র্ক স্টেটের এখনো অব্যবহৃত সম্ভাবনার উচ্চ চাহিদার ক্যারিয়ারে ঢুকতে চাওয়া কর্মীদের জন্যও একটি বিজয়।"

গাঁজা নিয়ন্ত্রণ বোর্ডের (Cannabis Control Board) প্রধান ট্রেমাইন রাইট বলেন, "আমি গভর্নর হোকল এবং SUNY ও CUNY কমিউনিটি কলেজসমূহে আমাদের অংশীদারদের প্রতি কৃতজ্ঞ, এমন কর্মসূচি তৈরি করার জন্য যা একটি বৈচিত্র্যময়, ন্যায্য এবং সহজে উপলভ্য নিউ ইয়র্ক গাঁজা শিল্পের বিকাশে সাহায্য করবে," বলেন ট্রেমাইন রাইট। "যখন আমাদের গাঁজা শিল্প বিকশিত হচ্ছে, তখন আমাদের দক্ষ কর্মীর চাহিদাও বৃদ্ধি পাচ্ছে, এবং এটি নিউ ইয়র্কবাসীর জন্য সুযোগ সৃষ্টি করার একটি দারুণ উপায়।"

SUNY-র অন্তর্বর্তীকালীন চ্যান্সেলর ডেবোরাহ এফ. স্ট্যানলি বলেন, "SUNY শিক্ষার্থীদের শুধু আজকের কর্মক্ষেত্রের জন্য প্রস্তুত করতে নয়, বরং তাদেরকে আগামীর কর্মক্ষেত্রের নেতা বানাতেও শিক্ষিত ও প্রশিক্ষিত করে। এই গাঁজা ক্রেডেনশিয়াল দান কর্মসূচিটি একটি আকর্ষণীয় নতুন পাঠের বিষয়, তাদের জন্য যারা ডিসপেনসারি, উৎপাদন ল্যাব, বা ক্যানাবিডিওল (Cannabidiol, CBD) এবং টেট্রাহাইড্রোক্যানাবিডিওল (Tetrahydrocannabinol, THC) বিক্রয়ে ক্যারিয়ারে আবেদন করার জন্য প্রতিযোগিতামূলক সুবিধা খুঁজছে। আমরা গভর্নর হোকলকে আমাদের শিক্ষার্থী ও নিউ ইয়র্ক স্টেটের অর্থনীতির জন্য তার অব্যবহৃত বিনিয়োগের জন্য ধন্যবাদ জানাচ্ছি।"

CUNY-র চ্যান্সেলর ফেলিক্স ভি. ম্যাটোস রড্রিগেজ বলেন, "CUNY উদ্ভাবনী কোর্স ও ডিগ্রি কর্মসূচি গঠনের ক্ষেত্রে সম্মুখসারিতে থাকতে গর্বিত, যেগুলি শিক্ষার্থীদেরকে নবজাত গাঁজা শিল্প দ্বারা উপস্থাপিত সুযোগের সদ্যবহার করার অবস্থানে স্থাপন করবে। CUNY-র শিক্ষার্থীদের জন্য নতুন সুযোগ খুলে দেওয়ার জন্য যাতে করে তারা অত্যাধুনিক খাতে ক্যারিয়ার গড়ার চেষ্টা করতে পারে, এবং নিউ ইয়র্কের কর্মীবাহিনীর বৈচিত্র্য ও সমতা নিশ্চিত করার জন্য আমরা গভর্নর হোকলকে ধন্যবাদ জানাচ্ছি।"

গাঁজা ব্যবস্থাপনা অফিসের নির্বাহী পরিচালক ক্রিস আলেক্সান্ডার বলেন, "নিউ ইয়র্কে বৈধ গাঁজার অর্থ হলো নিউ ইয়র্কবাসীর জন্য গাঁজার সুযোগ। SUNY এবং CUNY ব্যবস্থার কমিউনিটি কলেজসমূহ যে তাদের শিক্ষার্থীদের এই ক্রমবর্ধমান শিল্পের খেলোয়াড় হয়ে উঠার জন্য দরকারি দক্ষতা বিকাশে সাহায্য করছে তা সত্যিই অসাধারণ। এটি নিউ ইয়র্কের গাঁজা শিল্পের বিকাশের জন্য একটি অসাধারণ পদক্ষেপ।"

গভর্নর হোকল উচ্চশিক্ষার সুযোগ বৃদ্ধি করছেন এবং একইসাথে চাকরির সুযোগ বৃদ্ধি করছেন। ছয়টি বা তার বেশি ক্রেডিটে ভর্তি থাকা শিক্ষার্থীদের SUNY, CUNY, বা অলাভজনক স্বাধীন কলেজে পড়তে দেওয়ার জন্য টিউশন সহায়তা কর্মসূচির মতো উদ্ভাবনী পন্থা, যেই বিনিয়োগ থেকে প্রতি বছর আনুমানিক 75,000 অতিরিক্ত নিউ ইয়র্ক শিক্ষার্থীকে সমর্থন প্রদান করা যাবে। এই তহবিলকে ক্রেডেনশিয়াল এবং সার্টিফিকেট কর্মসূচিতেও ব্যবহার করতে দেওয়া।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418